



O Volapükaf lens Valöpo!

Su pad 54 kanols reidön konoti votik fa hiel Jorge Luis Borges, sevabo: „Bukemöp di Babel,” fa hiel Sérgio Meira petradutöl.

Mutob koefön, das no äkotenob dö geb vödas „bukemöp” e bukemöpan” pla vöds kösömikum : „bukem” e bukeman,” ab flen Meira ekleilükom oki medü küpets sököl:

„Ven ätradutob vödemi ela Borges, äzogob, ibä vöds bofik jinons gudiks. Ämeditob dö vöds at, ed ätikob: if suemob gudiko disti vü ons, tån bukem = konlet bukas; bukemöp = top, spad (cem, lecem, bumot) kö topon bukem. Jenöfo suvo fikulos ad sludön in vödems difik, va tefos topi, u te konleti, ibä bofiks suvo pötons. Ab in vödem ela Borges, äjinos lü ob, das leigod ko Leval sinifon, das top binon tikamagot veütikum. Ätikob: El Borges vilom penön bosì dö Bukemöp (= Leval), kel ninädon Bukemi (= konlet bukas) lelölöfik, lü kel dutons buks mögik valik. Bukemöp (= Leval) labon i binodi spadik (mällienik), kel no sekidon tikaviko de jenöfot, das ninädon bukis (Bukemi). Kodü atos esludob ad gebön vödi: Bukemöp, e no vödi: Bukem.

Äzogob i dö vöd, keli mutoy gebön ad sinifön: men, kel lödon in Bukemöp. El Borges (kel äbinom id om bukeman) nendoto ävilom gebön magi bukemana, sevabo: mena, kel vobon me bukem as metafor pro men in valem. Du ämeditob dö atos, ätikob, das ba binosöv nitedik ad gebön vödi: bukemöpan, bi no binon kösömik, ad tikön otüpo dö bukeman (utan, kel vobon in bukemöp, me bukem) e dö lödan bukemöpa - kelos nomiko no dabinon (kin vilonöv-li lödön in bukemöp?) Ab sio dabinon in Leval at, fa el Borges pedatiköl, „bukemöpans” kels binons lödans bukemöpa, ab kels no zesüdiko vobons me buks. Äjinos obe, das Volapüko vöd: „bukemöpan” igo gudikumo malon stadi at, ka vöd: „bibliotecario” Spanyänapükik, → pad 56

LÄB GRETIKÜN

In lekev zānodū soalōf fota hihārmit älōdom. Äbinom bāldik dub lifadels mōdik, kibāldotik äbinom nek äsevon; ed ilōdom us dū lunüp, kilunüpiko i no esevoy. Dū nifüp e dū hitüp äblibom us, ed äjinos, äsvo no äsevom lifamodi votik. Ninū lekev äbinon bed labū bledem grūnik e musk; us i tab binū boad grobiko picöpöl ästanon, e diled bimastama jonidon ad stul. Zuo us i cafed ālagon sus ston plenōfik, kel pägebon as filatop. Vataluflad e skals taimik äbinons in spadül. Reto nos ādabinon us.

Steböp ātopon su bel geilik, e härmit āmutom vegön ve veg lunik ā dilo no pikulöl, ven ānexānom de bel ad ramenön nulūdoti pōfādik oka. Äbinos vo tōbikum ad rivön lekevi de fālid; lödōps valik pōpa ātopons speariko dono in vilagūls anik. Ab mens se topād et ilasumons, to veg tōbiko begolovik, kōsōmi ad vīsītōn härmiti, if pädrefons dub kuds e dot.

Seimna vom yunik ābegrāmof vegi lū lekev. Skin ofa äbinon flifādik, e herem dofik āfremon bundanōfiko e vefiko logodi ofik.

„O fat!“ āsagof, „lān obik vesetikon dub ledesir lū läb. Binob yunik, e sevob, das läb gretik dabimon pro ob. Ab ai mofugon de ob, e lif vedon tu miserabik, tu pōfādik. Logob āsvo in fag läbi oba, e sevob, das, if kanoböv te rivön oni, val ovotikonöv sunādiko; lif pōfādik tāno ovedonöv gretik, liegik ā jōnik. E nu ledesir obik binon so gretik, das vesetūkon nāmīs oba. O fat! kīsī odunob-li ad dagetōn läbi?“

Härmit āgespikom: „Utos, kelos binonöv läb pro ol, ol okanol te dagetōn dub dunōn negiti. Ab utos, kelos padageton me negit, no vedon läb. Sekū kod at, mutol klemōn utosi, dō kelos sevol, das obīnosöv läb ola.“

Vom āgespikof: „No kanob klemōn. Läb obik plu vōladon pro ob, ka lif.“

Ed āgūflekof spidiko oki, ed āgegolof vīfiko lū plen pibelōdöl.

(Reti konota at kanols reidōn su pad lätik)

COGS LIREYÄNIK FA HIEL JOHN REDGWELL PESEDÖLS

OBIKAF UD OLIKAF-LI?

Farmans tel Lireyänik iremoms jipis tel. Balan farmanas äsagom votikane : „Kimodo osevobs, kin onas binon obikaf e kin binon olikaf?”

Votikan ägespikom: „Odekötob lögi bal jipa obik.” Seko osevobs, das jip labü lögs te kilis binon obikaf.”

Ädunom atosi, ab dü neit jip labü lögs kil ädebeiton lögi bal jipa votik.

Gödo balan farmanas, logölo utosi, kelos ijenos, äsagom votikane: „Kimodo osevobs nu, jip kinik binon-li obikaf e kin binon-li olikaf?”

Votikan ägespikom dönu : „Odekötob lögi nog bali jipa. Jip labü lögs te tels obinon obikaf.”

Ädunom atosi, ab dü neit jip labü lögs tel ädebeiton lögi bal jipa votik; sekü atos, jips bofik älabons nu lögis te telis.

Din at äläidulon jüs jips bofik iperons lögis alik.

Täno balan farmanas äsagom : „Kisi odunobs-li anu?”

Votikan ägespikom : „Ekö tikamagot gudik! Ob olabob jipi bläigik, ed ol, labolös jipi vietik!”

• • • • • • • • • • •

TÄV LÜ SOL

Ün yel 1969, Lamerikänans äsedons manis lü mun. I Lireyänans änunons, das ösedons manis lü sol. Ven ek äsagon ones, das atos öbinos nemögik, bi sol binon mödo tu hitik, ägespikons: „Atos no binos säkäd - ovegobs neito!”

Videtagredi kildegvelid sōkōlo, lūsedanef ābinon mō liōls tōbo tums fagotū jol
Latlanteanik, kū vūtroparein jeikik donikon. Jeps gianik pubons, kels fugons
pō spid lienetik.

2

„Sūpaflud!”

„Fugohsūd!”

Jevods galotons levifiko mo.

Vatamōdots gianik sturafalons su oms.

Jevods palušugons fa flud.
Kompenans plēpoms ad
svimōn love vat. Ab hiel
Thalcore fabinom.

„Ekō bim! Ba
rivobs onī!”




„Binon sav obas!”



Hiel Paganel no zōgom.
Spidom lōpio ad kūpedōn.
Votikans debreikons tuigis
e filūkoms onis in yuglan
gianik.



Sāglikoms klotis okas; tāno lōpao
lūvokād jeikik palilon. Tū timūl at
falom Sekretan nelābik inī vat.



BUKEMÖP DI BABEL
Fa hiel Jorge Luís Borges

Dub lekan at dalol lelogedön cenis tonatas 23 . . . (Kopav
 Glumaladäla, dil 2, bagaf II, mem (IV))

Leval (keli votikans nemons Bukemöpi) binädon me mödot
 nefümik, ba nenfinik, lecemas mällibienik, labü lutamafonäds gretik in
 zän, pazüöls dub stutöm lövikün. Dese mällibien alseimik logädons
 teads bapik e löpik; nenfiniko. Dilam lecemas binon necenöl.
 Bukaboeds teldeg, mö bukaboeds lunik lul a flan, tegons flanis valik,
 pläämü tel; geil onsik, kel binon ut teada, töbo pluon uti bukemöpan
 zänedik. Bal flanas livik dugon lü klünacem nabik, kel labon miedi ko
 lecem votik, sümik ad balid e ad valiks. Detü e nedetü klünacem
 dabinons cemils tel. In bal mögos ad slipön stanölo; in votik, ad
 kotenükön koapaneodotis. Is binon i tridem skrubätik, kel xänon ä
 nexänon ini fag. In klünacem dabinon i lok, kel fiediko telon jinis.
 Mens kösömons ad kludön de lok at, das Bukemöp no binon nenfinik (if
 binonöv-la, kikodo-li telam luspetik at?); ob buükob ad drimön, das
 platots nidik magons ä promons nenfini . . . Lit kömon de fluks glöpik
 semik, kels labons nemi „lampad“. Tel dabinons in mällibien alik. Lit,
 kel stralon de ons, binon nesaidik, nestopöl.

Äs mens valik Bukemöpa, ätävob dü yunüp obik; äpilgrimob,
 buki äsukölo, ba lised bukalisedas; nü logs obik ya tio no kanons
 letuvön utosi, kelosi penob; primob ad deadön mö lööls nemödik de
 mällibien, kö pämotob. Pos deadam obik, no odefons nams miserik, kels
 ojedons obi love stutöm; sepül obik obinon lut nenstaböfik; koop obik
 ofalon lunüpo ed opuridikön äd osoluon in vien pojenüköl dub fal, kel
 binon nenfinik. Stetob, das Bukemöp binon nefiniköl. Dialimans
 lesagons, das cems mällibienik binons fom zesüdik ä nevitovik spada
 leverik u, nemuiko, klienäla obsik tefü spad. Blöfädons, das cems kil-
 u lullieniks binons nefomäloviks. (Müsterans sagons, das stäat
 sävealon ones cemi sirköfik e buk sirköfik gretik labü tanäd yümöfik,
 nenropik, kel bezügonon völis valik; ab temun onas binon
 nekonfidabik; vöds onas, telplänoviks. Buk sirköfik at binon God).
 Saidosös obe nu ad dönuön seti klatädik: Bukemöp binon glöp, kela
 zän kuratik binon mällibien alik, e kela züot binon nelügolovik.

Baiädü vól alik mälliëna alik binons bukaboeds lul; bukaboed alik kipädon bukis ofomätik kildegte; buk alik binädon me pads foltumdeg; pad alik, me kedets foldeg; kedet alik, me tonats blägik jöldeg. Dabinons tonats i su tanäd bukas; tonats at no plänons u büosagons utosi, kelosi sagon pads. Sevob, das neyümöf at, pasetatimo, äjino klänöfiko. Bū bespik tuvedota (kela letüv, to seks lelügik ona, binon ba cifajenot jenava), vilob mebön xiomis anik.

Balid: Bukemöp dabinon *ab aeterno*. Tefü verat at, kela sek nemedik binon laidüp fütürik vola, tikäl nonik kanon dotön. Men, bukemöpan döfik, kanon binön vob fäda, u demiurgas badälik; leval, labü konlet lejönik oka bukaboedas, toumas rätöfik, tridemas nenfenik pro tävan e jiedöpas pro bukemöpan seadöl, kanon binön te levob goda. Ad sienön fagoti, kel dabinon vü godälikos e menätikos, saidos ad leigodön malis dremöl grobik at, kelis nam fibik oba penülön su pads vietik põ bukaprim, ko tonats noganik nina: kleiliks, jöniks, blägiküns, nezüpädoviko gemagöfiks.

Telid: num malas lotografik binon teldeglul. (1) Fümükam jenöfota at ädälön, bū yels kiltum, ad mobön teorodi valemik Bukemöpa e ad tuvedön kotenükölo säkädi, keli niludam nonik iletuvon: natäli nenfomik ä kaotik bukas. Bal, keli fat obik älogom in mälliën ziläka deglul-züldegfol, äbinädon me tonats M C V badäliko pidönuöls de kedet balid jü lätik. Votik (suvo pakonsultöl in ziläk at) binon labüren balugik tonatas, ab su pad bülätik sagon: „o tim piramids ola”. Ya sevoy: pro kedet bal reidovik u set suemovik, dabinons liöls binü nebaiton nesiämik, vödamigs nensinifik e kaot. (Seivob topädi groböfik, kelas bukemöpans iklemons kösömoti lukredik ä vaniki sinifisuka in buks, kelosi leigodons ko sinifisuk in drims u in namaliens kaotik. Lekoefons, das datuvans penama äsümädons malis natöfik teldeglul, ab jelodons lecedi, das jenöfot at binon vilädik, e das buks sinifons nosi in its. Lesag at, äsá ologobs, no binon lölöfiko dobik.)

(Fa hiel S. Meira petradutöl)



KONSÄLANS NO AI GUDIKS!

Neai põlob - binons konsälans obik, kels labons privilegi at!

Pos yel bal ästanof dönu lä kev härmita.

„O fat!“ äsagof, ägidetol. Läb obik äkanon te padagetön me dun negita. E nu negit et ejenon, ed utosi, kelos öbinonöv läb obik, nu dalabob. Ab i binos bisarik, das ägidetol dö atos, das nu no plu binos läb.”

Bäldikan änuton seiliko ä glumiko, ab no äspikom.

„O fat!“ vom äfövofo, „läb veratik üfo no dabinon-li pro ob?“

I nu man bäldik no ägespikom me vöd bal. Älemufom te kapi gedik oka, ed älogom ini fag, äsua äsukom us gespiki ad säk voma. Tāno älemufom kapi, e vom äsuemof omi.

„Tān klua no völados ad lailifön,” äsagof, e ton vöga yunöfik ofik äbinon, äsua ikräkon. Süpo äsümedof vom fenikün. Ävilof mogolön, ab härmit ämalom ofe ad blibön.

„Bos dabinon, kel plu völadon ka läb,” äsagom nevifiko, „edefugob de vol e de mens ad dagetön osi: utosi, kel neföro nosikon : püd.”

„Püd,” ädönuof nog balna vom ti nentikiko, ed äläükof lü atos: „Sagolös, o fat! lio dagetoy-li püdi somik?“

„Balan muton duinön sakrifoti gretik,” bäldikan ägespikom, „votan muton komipön me komip fikulik, e kilidan muton polön fledi vetik. Obs valik, vö! mutobs lobedön e sufodön ma vögot in ninäl obas.”

Ven yel nog bal ipasetikon, ästanof dönu fo lekev härmita.

„O fat!“ äsagof, „dönu ägidetol. Eduinob sakrifoti, ed edalilob vögoti in ninäl oba. Läbi no plu sukob, etuvob püdi!”



bi muton sinifön: „lödani,” ab otüpo nog sümön ad „voban” (bukeman). Kodü atos eslodob ad gebön i vödi at.”

Glibis Laböfikün sebome 